

বাংলাদেশ ব্যাংক
প্রধান কার্যালয়
মতিঝিল, ঢাকা-১০০০
বাংলাদেশ

কৃষি ঋণ বিভাগ

এসিডি সার্কুলার নং-০১

০৫ জৈষ্ঠ্য, ১৪২৬
তারিখঃ
১৯ মে, ২০১৯

ব্যবস্থাপনা পরিচালক/প্রধান নির্বাহী
বাংলাদেশে কার্যরত সকল তফসিলি ব্যাংক

প্রিয় মহোদয়,

ঘূর্ণিঝড় 'ফণী' পরবর্তী কৃষি ঋণ পুনর্বাসনের লক্ষ্যে ক্ষতিগ্রস্ত কৃষকদের কৃষি ঋণ সুবিধা প্রদান প্রসঙ্গে।

সাম্প্রতিককালে ঘূর্ণিঝড় 'ফণী' এর দরুন সৃষ্ট ঝড় ও জলোচ্ছ্বাসে দেশের বেশ কিছু জেলায় (ময়মনসিংহ, শেরপুর, জামালপুর, নেত্রকোণা, লক্ষ্মীপুর, বগুড়া, জয়পুরহাট, সাতক্ষীরা, নড়াইল, চুয়াডাঙ্গা, মাদারীপুর, বরিশাল, ভোলা, পটুয়াখালী, ঝালকাঠি, পিরোজপুর, বরগুনা, বাগেরহাট, খুলনা) কৃষি ঋণে ফসলের ক্ষতি সাধিত হয়েছে। এপ্রেক্ষিতে উল্লিখিত ক্ষতিগ্রস্ত এলাকায় কৃষি ঋণের পুনর্বাসন কার্যক্রম গ্রহণ করা প্রয়োজন। ক্ষতিগ্রস্ত এলাকার কৃষকদের ক্ষতি লাঘবের লক্ষ্যে কৃষি ও পল্লী ঋণ কার্যক্রমের বিষয়ে আপনাদেরকে নিম্নরূপ নির্দেশনা প্রদান করা যাচ্ছেঃ

- ১) ঘূর্ণিঝড়/জলোচ্ছ্বাসে ক্ষতিগ্রস্ত এলাকায় কৃষি ঋণ বিতরণ কার্যক্রম জোরদার করতে হবে;
- ২) ক্ষতিগ্রস্ত এলাকার ক্ষতিগ্রস্ত কৃষকদের নিকট হতে ফসল ঋণ আদায় ০১ (এক) বছরের জন্য স্থগিতকরণসহ ক্ষতিগ্রস্ত কৃষকদের খেলাপী ঋণের জন্য প্রযোজ্য ডাউন পেমেন্টের শর্ত শিথিল করে পুরাতন ঋণ পুনঃতফসিলকরণপূর্বক দ্রুততম সময়ে নতুন ঋণ বিতরণ করতে হবে;
- ৩) ক্ষতিগ্রস্ত কোন কৃষক যাতে ঋণ পেতে বিলম্ব বা কোনরূপ হয়রানির শিকার না হন, সে লক্ষ্যে ব্যাংকসমূহ যথাযথ তদারকি ব্যবস্থা গ্রহণ করবে। প্রয়োজনে সংশ্লিষ্ট ব্যাংকের বিভিন্ন পর্যায়ের উর্ধ্বতন কর্মকর্তাগণ ক্ষতিগ্রস্ত এলাকায় সরেজমিনে পরিদর্শন কার্যক্রম পরিচালনা করবেন;
- ৪) ক্ষতিগ্রস্ত কৃষকের আবেদনের প্রেক্ষিতে সংশ্লিষ্ট ব্যাংক স্বপ্রণোদিতভাবে উপযুক্ত কর্তৃপক্ষের অনুমোদনক্রমে কেইস টু কেইস ভিত্তিতে ফসল ঋণের সুদ মওকুফের ব্যবস্থা গ্রহণ করতে পারে;
- ৫) নতুন করে কোন সার্টিফিকেট মামলা দায়ের না করে ব্যাংকার-গ্রাহক সম্পর্কের ভিত্তিতে অনাদায়ী ঋণসমূহ তামাদি হওয়া প্রতিবিধানে প্রয়োজনীয় ব্যবস্থা গ্রহণ এবং দায়েরকৃত সার্টিফিকেট মামলাগুলোর তাগাদা আপাততঃ বন্ধ রেখে সোলেনামার মাধ্যমে মামলার নিষ্পত্তিকরণ;
- ৬) ফণী'র কারণে ক্ষতিগ্রস্ত কৃষকদের অনুকূলে কৃষি ঋণ বিতরণসহ অন্যান্য তথ্য বাংলাদেশ ব্যাংককে মাসিক ভিত্তিতে অবহিত করতে হবে।

এ নির্দেশ অবিলম্বে কার্যকর হবে।

আপনাদের বিশ্বস্ত,



(মোঃ হাবিবুর রহমান)

মহাব্যবস্থাপক

ফোনঃ ৯৫৩০১৩৮